



№: 10/2-1-02-4-/14
Sarajevo 07. srpnja 2014. godine

Predmet: Pregled aktivnosti MVP BiH tijekom poplava u svibnju 2014. godine (veza naši dokumenti №: 10/2-1-02-4-17583-1/14 od 02.06.2014. godine, 07/5-21-05-1-17875-1/14 od 10.06.2014. godine i №: 10/2-1-02-4-18747-1/14 od 11.06.2014. godine)

Kao što vam je poznato Bosnu i Hercegovinu su tijekom mjeseca svibnja pogodile katastrofalne poplave uzrokovane obilnim padavinama koje su uzrokovale interno pomjeranje cca 1000000 stanovnika iz svojih domova kao i ogromnu materijalnu štetu koja je procijenjena na cca 4 milijarde konvertibilnih maraka.

Na pogodnim područjima je kompletno uništena postojeća gospodarska kao i svaka druga infrastruktura. Iako se situacija polako normalizira još uvijek postoji realna opasnost od širenja zaraznih bolesti kao i epidemija uzrokovanih mješanjem otpada i životinjskih leševa u raspadanju sa pijaćom vodom.

Pomjeranje tla (klizišta) na više od dvije tisuće lokacija u pogodnim područjima, a koje je posljedica velikih oborinskih padavina i katastrofalnih poplava, još uvijek izaziva dodatne probleme u primarnom urgentnom saniranju tragičnih posljedica izazvanih ovim elementarnim nepogodama. Veliki broj lokacija pogodnih klizištima još uvijek nije siguran i uvjetan za povratak stanovništva, a postavlja se pitanje i kada će biti. Neke od lokacija više se neće moći koristiti za život.

Ministarstvo vanjskih poslova Bosne i Hercegovine je urgentno poduzelo sve aktivnosti koje su u njegovoj nadležnosti kako bi se uključilo u pružanje prioritetne pomoći kako institucijama Bosne i Hercegovine tako i Entiteta u akcijama spašavanja ljudskih života i kod pružanja asistencije za dostavljanje svih vidova neophodne i urgentne humanitarne pomoći na svim pogodnim i ugroženim područjima te pripremi predstojeće donatorske konferencije. Podučete aktivnosti Ministarstva vanjskih poslova Bosne i Hercegovine se mogu podijeliti u više odvojenih ali dobro koordinisanih akcija od kojih su neke još u tjeku.

Aktivnosti Ministarstva vanjskih poslova Bosne i Hercegovine prije utemeljenja Operativne grupe MVP BiH

Ministarstvo vanjskih poslova Bosne i Hercegovine je jedna od prvih Institucija Bosne i Hercegovine koja se aktivno angažirala, sukladno sa svojim nadležnostima, na pomoći u organiziranju, prikupljanju i dostavljanju humanitarne pomoći u Bosnu i Hercegovinu. Aktivnosti su podjeljene u dvije kategorije:

1. Neposredna pomoć - spašavanje, humanitarna pomoć i sl.
2. Pomoć u sanaciji - dugotrajnija finansijska pomoć

Po pitanju neposredne pomoći poduzeti su sljedeći koraci:

Telefonski razgovori prvog dana krize zamjenika predsjedavajućeg i ministra vanjskih poslova BiH dr. Zlatka Lagumdžije i prve potpredsjednice i ministrice vanjskih i europskih poslova Republike Hrvatske Vesne Pusić. Vlada Republike Hrvatske je uputila dva helikoptera i četiri čamca sa posadama. Također, Ministarstvo vanjskih poslova Bosne i Hercegovine je u skladu sa svojim nadležnostima zatražilo od nadležnih organa BiH da se omogući dolazak ove pomoći iz Republike Hrvatske.

Paralelno Ministarstvo vanjskih poslova Bosne i Hercegovine kontaktira nadležne službe Republike Slovenije, te je informirano putem veleposlanstva Bosne i Hercegovine u Ljubljani, a iz Ureda Republike Slovenije za zaštitu, da je Vlada Republike Slovenije donijela odluku da ponudi pomoć u obliku materijalnih sredstava i spasilačkih jedinica. Spasilačka ekipa s dva helikoptera krenula je u petak, a ekipa sa 4 čamca u subotu ujutro.

Ministar vanjskih poslova BiH je koordinirao 16. svibnja sa Operativno komunikacijskim centrom Ministarstva sigurnosti BiH i Ministarstvom odbrane BiH aktivnosti oko sjednice Vijeća ministara BiH na kojima je odobreno dodatnih 600.000 KM za reagiranje u ovoj situaciji.

Nadalje, Ministarstvo vanjskih poslova Bosne i Hercegovine je kontaktiralo Veleposlanstvo Ujedinjenog Kraljevstva u BiH, nakon čega je potvrđeno da iz UK u stiže 36 specijalaca obučениh za vanredne situacije kao i avion pomoći za područja pogođenja poplavama.

Nakon kontakata Ministarstvo vanjskih poslova Bosne i Hercegovine sa Veleposlanstvom Republike Italije u BiH, Italijanska kooperacija odvojila je 100.000 dolara za humanitarnu pomoć za stanovništvo Bosne i Hercegovine

Tim za krizne situacije Ministarstva vanjskih poslova Bosne i Hercegovine, sukladno sa internim pravilnikom a u cilju koordiniranog djelovanja u vanrednoj situaciji, održao je četiri sastanka (15. svibnja 2014. u 16h i 16. svibnja 2014. u 15h, 17. svibnja u 11 sati, 19. svibnja u 10.30 sati).

Ministarstvo vanjskih poslova Bosne i Hercegovine je informiralo Predsjedništvo Bosne i Hercegovine i Vijeće ministara Bosne i Hercegovine da Ministarstvo vanjskih poslova Bosne i Hercegovine stoji na raspolaganju za sve potrebne aktivnosti u slučaju donošenja odluke o upućivanju zahtjeva za pomoć drugim državama i međunarodnim organizacijama. Također, Ministarstvo vanjskih poslova Bosne i Hercegovine instruiralo je veleposlanike Bosne i Hercegovine i sve diplomate i uposlenike u DKP-ima da se aktiviraju u hitnom upućivanju zahtjeva za humanitarne i druge vidove pomoći međunarodnim organizacijama i institucijama u državi prijema.

Upućen je dopis Ministarstvu sigurnosti Bosne i Hercegovine kojim se informiraju o dežurnim kontakt telefonima i da Ministarstvo vanjskih poslova Bosne i Hercegovine stoji na raspolaganju za sve potrebne aktivnosti vezane za pružanje

međunarodne pomoći te s tim u svezi održava se kontinuirani kontakt sa diplomatsko-konzularnim predstavništvima Bosne i Hercegovine u svijetu na pružanju informacija o stanju i neophodnoj pomoći za stanovništvo područja ugroženih poplavama. Također sukladno sa svojim Ustavnim nadležnostima Ministarstvo vanjskih poslova BiH održava kontinuirani kontakt sa stranim veleposlanstvima akreditiranim u BiH i ministarstvima vanjskih poslova u cilju osiguranja neophodne pomoći stanovništvu područja ugroženih poplavama u BiH.

Ministarstvo vanjskih poslova Bosne i Hercegovine je putem Veleposlanstva Bosne i Hercegovine u Zagrebu i veleposlanstva Republike Hrvatske u Sarajevu, a slijedom upita građana BiH i medijskih natpisa došlo do saznanja da je Ravnatelj Uprave za policiju Ministarstva unutrašnjih poslova Republike Hrvatske dalo internu instrukciju da se izuzetno, radi vremenskih nepogoda a iz razloga humanosti, može dozvoliti prelazak granice i tranzit kroz Republiku Hrvatsku državljanima Bosne i Hercegovine sa osobnom kartom o čemu su obavijestili Graničnu policiju Bosne i Hercegovine.

Ministar vanjskih poslova Bosne i Hercegovine je održao briefinga za diplomate akreditirane u Bosni i Hercegovini na kojem je prezentirana situacija na terenu kao u neophodna urgentna pomoć po sljedećim tačkama:

- urgentna/krizna pomoć;
- kratkoročno saniranje šteta u prvih mjesec dana što uključuje detaljno snimanje ukupnih šteta u Bosni i Hercegovini;
- ilustraciju šteta sa konkretnim slučajevima sa područja cijele BiH, gdje imamo potpune informacije kako bi se mogao predstaviti stepen ukupne štete koji će se, evidentno je, mjeriti milijardama konvertibilnih maraka, procjena štete je još u tijeku.

Nakon 3. vanredne sjednice Tima za krizne situacije Ministarstva vanjskih poslova Bosne i Hercegovine, formirana je Operativna grupe, sastavljena od državnih službenika koji rade na poslovima u svezi sa situacijom izazvanom poplavama. Operativnom grupom MVP je koordinirao Nermin Mešinović, šef Odsjeka za vizno-pasoške poslove, ministar savjetnik te gosp. Nebojša Regoje, načelnik Ureda za odnose sa javnošću, ministar savjetnik.

Operativna grupa je provodila i provodi sve potrebne aktivnosti i komunikaciju sa Diplomatsko konzularnom mrežem Bosne i Hercegovine, stranim veleposlanstvima u Bosni i Hercegovini, Ministarstvom sigurnosti Bosne i Hercegovine, Upravom za indirektno oporezivanje Bosne i Hercegovine i drugim relevantnim institucijama u vezi sa situacijom u Bosni i Hercegovini nastalom tijekom i poslije poplava u svibnju 2014. godine. (za više informacija pogledati Annex 1.)

Operativna grupa MVP BiH:

U svezi sa gore navedenim formirana je Operativna grupa Ministarstva vanjskih poslova Bosne i Hercegovine čija je primarna zadaća olakšavanje dopremanja neophodne humanitarne pomoći.


Od samog početka Operativna grupa Ministarstva vanjskih poslova Bosne i Hercegovine predano i profesionalno radi na otklanjanju svih zakonskih i tehničkih zapreka kako bi pomenuta pomoć stigla do najugroženijih područja.

Odlukom Ministra vanjskih poslova mobilizirana je Diplomatsko konzularna mreža Bosne i Hercegovine (DKP BiH), sukladno sa realnim mogućnostima, na prikupljanju pomoći u državama primateljicama i na pružanju neophodnih informacija svim zainteresiranim. Jedan broj DKPa se aktivno uključio u koordiniranje prikupljanja novčane pomoći putem svojih računa ili direktnom uplatom, dok je Veleposlanstvo BiH u Berlinu po nalogu Ministarstva vanjskih poslova Bosne i Hercegovine odmah otvorilo *Pay Pal* račun za pomoć poplavljenim područjima. Također Ministarstvo vanjskih poslova Bosne i Hercegovine je stavilo svoju web stranicu na raspolaganje Društvu crvenog križa/krsta Bosne i Hercegovine kao i udruženjima Crvenog križa Entiteta, te je po njihovom zahtjevu objavio donatorske račune za pomoć.

U prvim danima krizne situacije značajna količina humanitarne pomoći je došla preko Sarajevskog aerodroma (165 tona) i njen dolazak je koordiniran od strane Operativnog tima MVP BiH koji je omogućio izdavanje dozvola za prelet i slijetanje ovih specijalnih letova. (Slika 9)

Ukupna količina pomoći koja je u Bosnu i Hercegovinu ušla kopnenim putem, konvojima, mjeri se više tisuća tona, a Ministarstvo vanjskih poslova u suradnji sa Operativnim centrom Ministarstva sigurnosti Bosne i Hercegovine je koordiniralo sve aktivnosti glede dovoženje ovih konvoja u Bosnu i Hercegovinu.

(pogledati slike od 1 do 8 radi referentnih podataka o aktivnostima dijela DKP mreže BiH u akciji prikupljanja pomoći ugroženom stanovništvu Bosne i Hercegovine)




Slika 1 Generalni konzulat Frankfurt

Potrebno je napomenuti da Vijeće ministara i Uprava za neizravno oporezivanje Bosne i Hercegovine svojim prvobitnim odlukama, prema mišljenju operative grupe, nije uspjela „olakšati“ zakonske procedure već je praktično carinske organe

obvezala na njihovo striktno pridržavanje propisa, što i nije sporno, ali se donošenjem istih očekivala određena fleksibilnost i pojednostavljivanje. Zbog toga je na samom početku dolazilo do višesatnih zastoja konvoja na graničnim prelazima.

Problemi u komunikaciji i koordiniranju kao i preklapanje nadležnosti pojedinih organa i Institucija Bosne i Hercegovine su dodatno usložnjavali situacije kako se povećavala potreba za dostavljanje većih količina pomoći. Kako je vrijeme odmicalo došlo je do uhodavanja navedenih procedura, a čemu je pridonjela i Operativna grupa Ministarstvo vanjskih poslova Bosne i Hercegovine, na način da je blagovremeno dostavljala dodatna pojašnjenja i instrukcije u svezi sa potrebnom dokumentacijom za uvoz pomoći u Bosnu i Hercegovinu, te u koordinaciji sa nadležnim institucijama i organima kao i Operativnim centrom Ministarstva sigurnosti Bosne i Hercegovine, operativno je pokriven aspekt prijema neophodne pomoći.

Jedan od problema koji je ostao izdvojen u dosadašnjoj proceduri je više puta mjenjana procedura za uvoz humanitarne pomoći u lijekovima, humanim i




Slika 2 Veleposlanstvo BiH K Belgija, Bruxelles

veterinarskim, kao i dezinfekcionih sredstava, koji je kasnije suradnjom nadležnih operativno prevaziđen, ali je predstavljao usko grlo u brzom i blagovremenoj dostavi ovog tipa pomoći. (Ova sredstva su neophodna za preveniranje eventualnog širenja zaraznih bolesti koje nastaju raspadanjem uginulih životinjskih leševa. Potreba najbržeg uklanjanja ovog vida animalnog otpada kao i dezinfekcija terena i objekata je bila više nego očigledna).

Operativna grupa cijeni da se u ovom kontekstu nedovoljno uključilo Ministarstvo civilnih poslova Bosne i Hercegovine sa svojom koordinacijskom funkcijom na području zdravstva, čime bi se pojednostavile procedure kontakata sa nižim razinama vlasti.

Prema dostupnim podacima Operativnog tima MVP BiH sljedeće države su dale značajnu materijalnu pomoć BiH: Austrija, Azerbejdžan, Belgija, Bugarska, Hrvatska, Češka Republika, EU i zemlje članice, Francuska, Makedonija,




Slika 3 Generalni konzulat BiH Stuttgart

Njemačka, Mađarska, Italija, Japan, Katar, Kuvajt, Luksemburg, Crna Gora, Norveška, Pakistan, Poljska, Rumunjska, Slovačka, Slovenija, Španjolska, Švedska, Švicarska, Nizozemska, Turska, Velika Britanija, UAE, USA koja je upućena na bosanskohercegovačka ugrožene područja.




Slika 4 Veleposlanstvo BiH u Sloveniji, Ljubljana

Potrebno je naglasiti da je navedena pomoć prikupljena u saradnji naših Diplomatsko konzularnih predstavništava sa humanitarnim organizacijama, udruženjima, klubovima, dijasporom, institucijama zemlje prijema od državne do lokalne razine.



Slika 5 Veleposlanstvo BiH u Nizozemskoj, Den Hague

(vidi slike od 1 do 8) Grafikoni prikazuju aktivnosti osam Diplomatsko konzularnih predstavništava Bosne i Hercegovine koji su svojim aktivnostima dali značajan doprinos u prikupljanju humanitarne pomoći za ugrožene područja. Naravno zbog obimnosti materijala nismo u mogućnosti uvrstiti sve DKP BiH koji su svojim aktivnostima prikupili značajne količine humanitarne pomoći.




Slika 6 Veleposlanstvo BiH u Austriji, Beč

Sektor za bilateralne odnose MVP BiH

Pored aktivnosti koje je provodio Operativni tim Ministarstva vanjskih poslova Bosne i Hercegovine, Sektor za bilateralne odnose Ministarstva vanjskih poslova Bosne i Hercegovine je u kontaktu sa akreditiranim veleposlanstvima u Bosni i Hercegovini i bosanskohercegovačkom Diplomatsko konzularnom mrežem koordinirao aktivnosti oko dolaska međunarodne pomoći u Bosnu i Hercegovinu.

Dr. Zlatko Lagumdžija, Ministar vanjskih poslova Bosne i Hercegovine se odmah obratio susjednoj Republici Hrvatskoj za pomoć što je rezultiralo promptnom akcijom OSRH i slanjem dva helikoptera i četiri specijalizirana čamca s posadama za evakuaciju ugroženih građana BiH. Istovremeno Ministarstvo vanjskih poslova Bosne i Hercegovine se obratilo svim organima i institucijama Bosne i Hercegovine da omoguće nesmetan dolazak ove pomoći u BiH.




Slika 7 Generalni Konzulat Minhen

U svojim kontaktima sa akreditiranim veleposlanstvima u Bosni i Hercegovini i Diplomatsko konzularnim mrežem Bosne i Hercegovine, Sektor za bilateralne odnose je prenio direktne instrukcije ministra vanjskih poslova Bosne i Hercegovine da se kod zemalja primateljica raspita i traži konkretna pomoć za kratkoročne i dugoročne aktivnosti.

Kratkoročne aktivnosti su vezane direktno za pomoć na terenu kao i neophodnu humanitarnu pomoć ugroženom stanovništvu dok su dugoročne vezane za sanaciju posljedica šteta i zemljišta na infrastrukturi, gospodarstvu i stambenim objektima nastalih kao posljedica katastrofalnih poplava duž sliva rijeka Bosne i Save. Annex 2. je tabelarni prikaz država donatora koje su donirale Bosni i Hercegovini neophodnu pomoć u opremi, ljudstvu i materijalu. Ovo je samo jedan mali dio oficijene pomoći dok organizacije naših državljana u dogovoru sa DKP mrežom dostavljaju samostalno prikupljenu pomoć putem svojih klubova ili drugim vidovima organiziranja dijaspore.

Također potrebno je naglasiti da je bosanskohercegovačka DKP mreža organizirala prikupljanje financijske pomoći koja je dostavljana Ministarstvu financija i trezora BiH.



Slika 8 Vlp Ankara i GK Istanbul

Posljedično, usljed krizne situacije u Bosni i Hercegovini izdata je instrukcija svim DKPima BiH o organiziranju dežurstava kako bi se i na taj način olakšalo dostavljanje pomoći. Također, svoj doprinos u ovakvoj situaciji dao je i

Sektor za multilateralne odnose MVP BiH,

koji je postupajući po instrukcijama ministra vanjskih poslova Bosne i Hercegovine alarmirao međunarodne organizacije i regionalne inicijative za pomoć Bosni i Hercegovini.

Stalne misije Bosne i Hercegovine koje su akreditirane pri međunarodnim organizacijama (UN, EU, VE, OSCE i NATO) su dale i daju svoj doprinos u naporima prikupljanja pomoći za postradalo stanovništvo po kratkoročnim i dugoročnim ciljevima.

Ministar vanjskih poslova Bosne i Hercegovine, dr. Zlatko Lagumdžija je uputio pozivna pisma svim relevantnim međunarodnim organizacijama i deklariranim donatorima za predstojeću Donatrosku konferenciju u Bruxellesu. U upućenim pismima ministar lagumdžijha se zahvalio na dosadšnjoj urgentnoj pomoći koje su neke do međunarodnih organizacija već uputile Bosni i Hercegovini i istovremeno je pozvao da se uključe rad Donatroske konferencije i prikupljanje sredstava koja će biti iskorištena za dugoročno otklanjanje posljedica katastrofalnih poplava iz svibnja 2014. godine.


Pregled aktivnosti međunarodnih organizacija:

Specijalizirane UN agencije su (prema info UNDP u BiH) osigurale sljedeću pomoć : hrana, lijekovi, higijenske pakete, pumpe, spremnike i filtere za vodu, isušivače, agregate, šatore i vreće za spavanje.

UN je od samog početka mobilizirao sve resurse u BiH s ciljem brze isporuke potrebne pomoći. UN agencije rade zajedno sa vlastima na svim razinama i kriznim stožerima širom zemlje, kako bi se osigurao koordinisan odgovor međunarodne zajednice na krizu.

Najavljeno je da će se, nakon neposrednog humanitarnog odgovora, fokusirati na oporavak i osiguranje egzistencije građana poplavljenih područja (obnova pristupnih puteva, čišćenje i uklanjanje ruševina i otpada uključujući deminiranje, kao i rješavanja situacija koje ugrožavaju zdravlje).

Na grafičkom prikazu je pokazan intenzitet dolaska pomoći u tonama na Sarajevski aerodrom po danima od 18. svibnja do 29. svibnja. 2014. godine (Slika 9.)



Slika 9

UN će zajedno sa EU koja vodi proces, Svjetskom bankom i domaćim partnerima, raditi na procjeni šteta nastalih nakon poplava. Krajem svibnja, održana je dvodnevna obuka ljudi koji su uključeni u ovaj proces (4-5 timova raditi na terenu, a drugi timovi će biti stacionirani u Sarajevu i radiće na analizi prikupljenih podataka). Planirano je da Izvještaj o procjeni bude prezentirani na pripremnom sastanku u parizu 08. srpnja 2014. godine kako bi bili dostupni za početak donatorske konferencije 18. srpnja 2014. godine u Bruxellesu.

Ujedinjene nacije su hitno reagirale u pružanju neposredne pomoći. Organizacije OCHA, UNDP i WFP/WHO su u 5 aviona dostavili prijeko potrebna sredstva u

vrijednosti od 900.000 US\$. OCHA je preko UNRC kancelarije za nabavku osnovnih potrepština uplatila i novčana sredstva, kao grant u iznosu od 50.000 US\$, kao i 2 miliona iz sredstava Centralnog fonda za hitne intervencije. Kancelarija UNRC-a daje podršku aktivnostima Međunarodne zajednice u koordinaciji humanitarne pomoći.

UNDP je uplatio 300,000 US\$ kao hitnu pomoć Bosni i Hercegovini. UNDP je također uputio humanitarnu donaciju u vrijednosti 2,3 miliona (uključujući i prijeko potrebna sredstva dostavljena u jednom od gore navedenih aviona).

UNESCO je uplatio 50,000 US\$ za obnovu škola.

UNICEF, WHO, IOM, UNFPA, UNHCR su donirali sredstva za higijenu i smještaj, lijekove i sredstva za logističku podršku.

Sve UN agencije su angažirane na utvrđivanju procjene potreba za obnovu u suradnji sa Svjetskom bankom, Evropskom unijom i Vijećem ministara Bosne i Hercegovine, uz napomenu da će i proširiti svoju podršku u prvoj fazi obnove.

RCC - Vijeće za regionalnu saradnju (The Regional Cooperation Council) uputio je 80.000 EUR Srbiji i Bosni i Hercegovini kao pomoć stanovništvu pogođenom poplavama da se koristi u otklanjanju nastalih šteta i obnovi. Vijeće je pozvalo Europsku uniju da nastavi pružati pomoć zemljama u regionu pogođenim poplavama.

Aktuelni status odgovora Evropske unije na poplave u BiH

1. Procjena štete od poplava
EU radi sa Svjetskom bankom i organizacijama iz sistema UN na procjeni štete od poplava. Koristi se standardna metodologija sa ciljem da se što kvalitetniji izvještaj dobije što prije i pri tome utemelje prioriteti za djelovanje u narednom periodu. Bitno je napomenuti da su u ove aktivnosti su uključeni predstavnici nadležnih institucija iz BiH.
2. Finansijska pomoć
Delegacija EU je u suradnji sa DEI pripremila listu projekata koji se mogu finansirati iz neutrošenih sredstava IPA za period 2009 - 2011 godina. Radi se o 42 milion eura. Novac bi mogao biti raspoloživ krajem lipnja ili u srpnju ove godine. EU se obvezala da će po ubrzanoj proceduri pripremiti za potpis i odobriti odgovarajući finansijski sporazum. Trošenje ovih sredstava predviđa se kroz implementacione partnere - UNDP, KfW, ...

Potrebno je napomenuti da je ranije objavljeno da je EU odobrila 65 milion eura pomoći iz IPA za BiH i Srbiju. Od ovog iznosa je već utrošeno 2 miliona eura za hitnu pomoć, 3 miliona eura se angažuje kroz ECHO. Preostalih 60 miliona se predviđalo usmjeriti podjednako, po 30 miliona za BiH i Srbiju. Međutim, iznos za BiH je sada veći i iznosi 42 miliona eura.

Programiranje IPA 2014 je u tijeku i nastoji se iznos od 40 miliona eura programirati tako da se usmjeri u pomoć za poplave. Ova sredstva mogu biti dostupna u 2015 godini.

Za trajnu zaštitu od poplava EU će pomoći da se uredi obale rijeka, po riječnim bazenima, integrisano sa Srbijom i Hrvatskom. Ovdje se predviđa angažovanje sredstava iz regionalne IPA i WBIF.

Projekti u okviru primjene Aneksa 7 Daytonskog mirovnog ugovora (Smještaj izbjeglica i raseljenih lica) se nastoje ubrzati i preusmjeriti za pomoć poplavljenim područjima.

Sredstva iz Instrumenta za stabilnost će se koristiti za deminiranje.

3. Donatorska konferencija

EU će raditi zajedno sa BiH na pripremi donatorske konferencije koja će se održati u Bruxellesu 18. srpnja 2014. godine.

4. Poruke iz EU

- Svi treba da učestvuju u procjeni šteta.
- Treba izbjeći politizaciju.
- Ne treba stvarati prevelika i nerealna očekivanja u pogledu iznosa pomoći.
- Vijeće ministara i donatori treba da zajedno pripreme donatorsku konferenciju.
- BiH treba da unaprijedi i/ili uspostavi apsorpcioni kapacitet za prijem i aktiviranje pomoći.

CoE- VIJEĆE EVROPE - Gradsko vijeće Strazbura je na svom sastanku održanom 26.05.2014. godine donijelo odluku o izdvajanju **20,000.00 eura** na ime urgentne pomoći poplavljenim područjima u **BiH i Srbiji**. Pomenuta sredstva bi se realizovala putem Organizacije Crvenog križa/polumjeseca. Generalni tajnik VE je sa svoje strane uputio apel svim zemljama članicama VE da se na što konkretniji način uključe u pomoć BiH. (26.05.2014.)

OSCE - Generalni tajnik OSCEa, Lamberto Zannier je **odobrio 30,000.00 eura** iz Dobrotvornog fonda OSCE-a koji će se dodijeliti najugroženijima u BiH putem *field* Misije u BiH (informacija od 19.05.2014.) Veleposlanik OSCE-a u BiH g. Fletcher M. Burton je ponudio svu pomoć ove Organizacije na poljima u kojima je ova Organizacija aktivna, na sastanku sa pomoćnikom ministra za multilateralne poslove g. Mitrom Kujundžićem (informacija od 23.05.2014.).

Također MVP Norveške donijelo odluku o pružanju pomoći žrtvama poplava za BiH i Srbiju. Obje države će dobiti urgentnu pomoć od po 5 miliona NOK (oko 615.000,00 EUR) i po 16,5 miliona NOK (oko 2,3 miliona EUR) pomoći u fazi rekonstrukcije,

Predstavnici Veleposlanstva BiH u Rimu održali su sastanke sa predstavnicima IFAD-a (Međunarodni fond za razvoj poljoprivrede), FAO-a (UN Organizacije za hranu i poljoprivredu) i WFP-a (UN Svjetskog programa za hranu) s ciljem njihovog uključivanja u akciju pomoći BiH, kao specijaliziranih Agencija UNa.

Guverner Banke za razvoj Vijeća Evrope (CEB) od uputio je 16.05.2014. godine pismo o spremnosti pružanja financijske pomoći BiH, glede posljedica prirodnih nepogoda. Veleposlanik Šahović je izvijestio o telefonskom razgovoru sa guvernerom CEB-a, u kojem se pozvao na pismo od 16.05. i ponovio spremnost o pomoći CEB-a BiH (takođe su napomenuta pravila pružanja ove pomoći, u dvije faze). Realizacija ove pomoći je u tijeku.

Veleposlanstvo Kine najavilo je pomoć, realizacija je u tijeku.

Veleposlanstvo BiH u Rimu izvijestilo je da će FAO nastojati koordinisati aktivnosti sa IFAD i WF, te da će pripremiti non paper sa kratkoročnim i dugotrajnim mjerama za podršku obnove poljoprivredne proizvodnje nakon prouzrokovanih šteta. Realiziranje navedenog je u tijeku.

Predsjednik i potpredsjednik Evropske investicijske banke uputili pismo, putem Ministarstva vanjskih poslova Bosne i Hercegovine, predsjedavajućem Vijeća ministara BiH u kome se iskazuje spremnost za pružanje pomoći BiH.

NATO - Na inicijalni poziv BiH NATO je koordinirao hitan odgovor svojih članica i partnerskih država, tako da je 34 zemlje (u okviru NATO) obezbjedilo dostavu helikoptera, hitnih timova, čamaca, pitke vode i hrane, skoništa, humanitarnih fondova i dr. Takođe će nastaviti sa ovom pomoći. NATO je spreman da ponudi ekspertizu radi održivog oporavka i dugoročnog poboljšanja situacije u poplavljenim područjima, uključujući upućivanje eksperata za procjenu štete, kao i umanjenja posljedica i ubrzanja oporavka. Konačno, NATO je svojim članicama skrenuo pažnju na dodatni problem poplavljenih miniranih područja. S tim u svezi MVP BiH je uputilo pismo generalnom tajniku NATO 19. svibnja 2014. godine. Generalni tajnik NATO je odgovorio svojim pismom 28. svibnja 2014. godine, u kome izvješćuje o koordinacijskoj ulozi koju je NATO EADRCC (Euro Atlantic Response Coordination Centre) obnašao na koordiniranju slanja pomoći od 34 države članice NATO i PfP. Nadalje, NATO je ponudio pomoć BiH u rješavanju problema mina koji su dislocirane iz minskih polja tijekom poplave. S tim u vezi, Odsjek za NATO i PfP, stupio u kontak sa BH MAC i izvjestio o ovome, te je dogovoreno da predstavnici BH MAC prezentiraju potrebe NATO stožeru u Briselu, 13. lipnja 2014. godine. Realizacija aktivnosti je u tijeku.

(Za tabelarni prikaz multilaterlane pomoći i rasporeda u ugrožena područja pogledati Annex 3. Također pogledati Annex 4 koji kronološkim redom prikazuje sveobuhvatnu aktivnost MVP i DKP BiH i ministra vanjskih poslova od početka pa do današnjeg dana.)

U Sarajevu 07.07.2014. godine.